



"Әл-Фараби атындағы Қазақ мемлекеттік ұлттық университеті" республикалық мемлекеттік кәсіпорнының ерекше мәртебесі туралы

Күшін жойған

Қазақстан Республикасы Үкіметінің қаулысы 2000 жылғы 25 шілде N 1106. Күші жойылды - ҚР Үкіметінің 2002 жылғы 17 маусымдағы N 665 қаулысымен. ~ P020665

"Білім туралы" Қазақстан Республикасының Z990389_ Заңына және Қазақстан Республикасы Президентінің "Әл-Фараби атындағы Қазақ мемлекеттік ұлттық университетінің ерекше мәртебесі туралы" 1993 жылғы 9 қаңтардағы N 1059 K931059_ қаулысына сәйкес Қазақстан Республикасының Үкіметі қаулы етеді:

1. Қоса беріліп отырған "Әл-Фараби атындағы Қазақ мемлекеттік ұлттық

университеті" республикалық мемлекеттік кәсіпорнының дербес мемлекеттік жоғары оқу орны ретіндегі ерекше мәртебесі туралы ереже бекітілсін.

2. Қазақстан Республикасының Білім және ғылым министрлігі осы қаулыны іске асыру үшін қажетті шараларды қабылдасын.

3. Осы қаулы қол қойылған күнінен бастап күшіне енеді.

Қазақстан Республикасының
Премьер-Министрі

Қазақстан Республикасы Үкіметінің
2000 жылғы 25 шілдедегі
N 1106 қаулысымен
бекітілген

"Әл-Фараби атындағы Қазақ мемлекеттік Ұлттық университеті"
республикалық мемлекеттік кәсіпорнының дербес мемлекеттік
жоғары оқу орны ретіндегі ерекше мәртебесі туралы

ЕРЕЖЕ

1. Осы Ереже "Білім туралы" Қазақстан Республикасының Z990389_ Заңына сәйкес Әл-Фараби атындағы Қазақ мемлекеттік Ұлттық университетінің (бұдан әрі - Университет) ерекше мәртебесін және Қазақстан Республикасының мүдделерінде Университеттің әлеуетін тиімді пайдаланудың жолдарын белгілейді.

2. Университеттің ерекше мәртебесі Әл-Фараби атындағы Қазақ мемлекеттік Ұлттық университетінің жоғары білікті мамандарды даярлаудағы, елде ғылым мен мәдениетті дамытудағы ерекше рөліне, сондай-ақ онда қалыптасқан Қазақстанда және шет елдерде кеңінен танымал беделді ғылыми мектептерді сақтаудың қажеттігіне негізделген. ҚазМУ-дың қалыптасқан ерекше ғылыми-педагогикалық әлеуеті мен оқу-материалдық базасы Университеттің Қазақстан Республикасы Президентінің "Әл-Фараби атындағы Қазақ мемлекеттік Ұлттық университетінің мәртебесі туралы" 1993 жылғы 9 қаңтардағы N 1059 қаулысымен берілген дербес мемлекеттік жоғары оқу орнының мәртебесінде бекітілген Қазақстанның ғылымы мен білімі жүйесіндегі ерекше жағдайын айқындайды.

3. Университет өз қызметінде Қазақстан Республикасының заңдарын, Қазақстан Республикасы Президентінің кесімдерін, Қазақстан Республикасы Үкіметінің қаулыларын, Қазақстан Республикасы Білім және ғылым министрлігінің нормативтік құжаттарын, сондай-ақ осы Ережені және Университеттің Жарғысын басшылыққа алады.

4. Дербес жоғары оқу орны ретіндегі Университеттің міндеттері:

1) Университеттің бар жоғары әлеуетін мақсатты және толық пайдаланудың негізінде, қоғамның өркендеуіне ықпал ететін жаңа білімдерді құруды зерделеуді және таратуды жүзеге асыратын ғылыми-білім беру кешенінің оңтайлы үлгілерін әзірлеу және іске асыру, дүниежүзілік білім беру стандарттарына сәйкес келетін оқытудың жаңа технологияларын, ғылыми зерттеулерді ұйымдастырудың қағидаттарын енгізу;

2) дүниежүзілік білім беру кеңістігіндегі интеграцияның неғұрлым тиімді жолдарын іздестіру және жүзеге асыру Университеттің жетістіктерін шет елге тең құқықты ұсынуды қамтамасыз ету;

3) ғылыми-білім беру кешенін басқарудың демократиялық қағидаттарын тереңдету, академиялық еркіндікті дамыту үшін жағдай жасау болып табылады.

5. Университет көрсетілген міндеттерді жүзеге асыруы кезінде:

1) ғылыми-педагогикалық әлеует пен оқу-материалдық базаны тиімді пайдаланудың негізінде, жоғары білім берудің дүниежүзілік стандартқа сәйкес тұрақты жоғары деңгейін кепілдіктендіруге;

2) Университеттің студенттерінің, оқытушыларының және қызметкерлерінің

білім, адамгершілік және интеллектуалдық жағынан дамуы үшін барынша жағдай жасауды қамтамасыз етуге;

3) республикада білім беру жүйесін дамытуға ықпал ете отырып, белсенді ғылыми-әдістемелік және ұйымдастыру жұмысын жүргізуге;

4) білім беруді қоса алғанда, ақылы қызмет көрсетулерден алынатын қаражат пен кірістерді тиімді пайдалануды жүзеге асыруға міндетті.

6. Университет міндеттерді табысты жүзеге асыру үшін Қазақстан Республикасы Президентінің "Әл-Фараби атындағы Қазақ мемлекеттік Ұлттық университетінің мәртебесі туралы" 1993 жылғы 9 қаңтардағы N 1059 қаулысына және заңнамаға сәйкес:

1) "Әл-Фараби атындағы Қазақ мемлекеттік Ұлттық университетінің оқытушылары мен қызметкерлерінің еңбегіне ақы төлеу туралы" Қазақстан Республикасы Үкіметінің 1997 жылғы 17 маусымдағы N 982 P970982_ қаулысының 1-тармағында белгіленген коэффициентті пайдалана отырып, Университеттің құрылымы мен штатын, профессорлық-оқытушылық құрам мен қызметкерлердің еңбегіне ақы төлеудің шарттары мен мөлшерлерін өз бетінше белгілеуге;

2) заңнамада белгіленген тәртіппен заңды тұлғалар құқығындағы мемлекеттік емес құрылымдарды, оның ішінде шет елдердегісін қоса алғанда, Университеттің білім беру ғылыми кешенінің құрамында ғылыми-зерттеу институттары мен орталықтарын, филиалдарын және өзге де бөлімшелерді құруға;

3) жоғары кәсіби білім берудің көп деңгейлі жүйесі бойынша мамандарды даярлаудың жаңа бағыттарын айқындауға, оларды оқытудың мерзімдері мен нысандарын белгілеуге, жоғары кәсіби білім беру саласындағы қолданылып жүрген мемлекеттік жалпыға міндетті стандарттарға сәйкес оқу жоспарлары мен бағдарламаларын бекітуге;

4) шетелдік ұйымдармен Университеттің негізгі қызметінің барлық бағыттары бойынша тікелей шарттар мен келісім-шарттар жасасуға, ғалымдар мен мамандардың уақытша ұжымдарын құруға, халықаралық бірлестіктер мен ұйымдардың қызметіне қатысуға;

5) Университеттің оқытушыларына доцент және профессор ғылыми атақтарын беру кезінде қорытынды сараптама жүргізуге құқығы бар.

7. Университет Қазақстан Республикасы Президентінің "Әл-Фараби атындағы Қазақ мемлекеттік Ұлттық университетінің мәртебесі туралы" 1993 жылғы 9 қаңтардағы N 1059 K931059_ қаулысына орай және өзіне берілген ерекше мәртебеге сәйкес барлық бар негізгі қорлар мен айналымдағы қаражатқа иелік етеді, пайдаланады және билік етеді, өз қаражатының есебінен сатып алынған мүлікке өз бетінше билік етеді.

8. Мемлекеттік тапсырыстың шеңберінде мамандар даярлау Университетке

түскен студенттердің білім грантының немесе несиесінің мөлшерін айқындау кезінде оқытуға арналған нақты шығындарды ескеретін жеке норматив бойынша, республикалық бюджеттің қаражаты есебінен жүзеге асырылады.

Қаржыландырудың басқа қосымша көздері заңнамада тыйым салынбаған, кірісіне Университет өз бетінше билік ететін ғылыми-өндірістік, білім беру және өзге де қызмет болып табылады.

9. Қазақстан Республикасының Білім және ғылым министрлігі жоғары кәсіби және жоғары оқу орнынан кейінгі білім беру мен ғылыми зерттеулер саласындағы Университет орындайтын бағдарламалардың әкімшісі болып табылады.

10. Университет өзінің негізгі қызметінде барлық мүдделі министрліктермен және ведомстволармен, басқа да республикалық мекемелермен және ұйымдармен, шетелдік халықаралық білім беру және ғылыми орталықтармен тікелей байланыстар орнатады.

11. Университеттің ректорын Қазақстан Республикасының Президенті қызметке тағайындайды және қызметінен босатады.

12. Университеттің қызметін қоғамның мүдделерімен келісу, қаржылай қолдауды қамтамасыз ету, оның материалдық-техникалық базасын нығайту үшін, сондай-ақ интеллектуалдық әлеуетті неғұрлым тиімді пайдалану үшін Қамқоршылар кеңесі құрылады. Қазақстан Республикасының Үкіметі бекітетін,

Қамқоршылар кеңесінің құрамына ғылымның, білім берудің және мәдениеттің, шығармашылық және өзге ұйымдардың, меншіктің түрлі нысандарындағы кәсіпорындардың, қорлардың, ассоциациялардың, акционерлік қоғамдардың және басқалардың дербес жоғары оқу орны ретіндегі Университеттің проблемаларын шешуге қомақты үлес қосуға қабілетті өкілдері кіре алады.

Оқығандар:

Қобдалиева Н.М.

Орынбекова Д.К.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК